



kat.komp.

14279

III

Mag. St. De

P

*Martini Curvus avitae et erudita
gloriae triumphalis.*

PANEG. et VITAE

Polon. Fol.

Nº. 321.

ex

I

Ec

Per

I

v

In

N

Jn
a

C U R R U S

Avitæ & Eruditæ Gloriæ,
T R I U M P H A L I S.

ad Festiva Divæ Themidos Coronamenta,
exquisito Virtutis & Meritorum artificio,

E L A B O R A T U S,

Amplissimo Nomini & Honori,

Perillustri, & Reverendissimi Domini,

D. T H E O C L I S
G O S Ł A W S K I,

Ecclesiarum, Cathedralis Kijoviensis CANONICI,
Parochialis Gałuszoviensis, CURATI. 14289m

Dum T E R

Perillustrem, Clarissimum & Admodum Reverendum Dominum,

D. M. A N D R E A M
K R U P E C K I,

V. J. Doctorem & Professore, Ecclesiarum, Collegiæ SS. Omnium
Cracoviæ, CUSTODEM. Parochialis Luborzycensis, CURATUM,
In Lectissima Illustrium Hospitum, Ordinumq, Academia frequentia

Vtriusq; Juris Doctor,

RITU SOLENNI, RENUNCIARETUR:

officiosa venerationis & gratulationis ergo

A

M. MARTINO FIDETOWICZ,

In Alma Universitate Cracov: Philosophiæ Doctore, Novoduorsciano Diale-
ctices Professore, Contubernij Hierosolymitani Seniore, S. R. M. Secretario,

C E L E B R A T U S.

Anno Domini 1698. Die 19 Decembris.

CRACOVIAE, TYPIS UNIVERSITATIS.

IN ARMA GENTILITIA,
Perillustris & Reverendissimi Domini.



Bina Triumphalem sibi condidit ASCIA Currum,
Nominis & Famæ; Dædalus iste labor.

Præsidium præsens habuit si Roma Secures,
GOSŁAWSCÎ Patriæ præsidium & arma ferunt,
OKSZARUM Germen Tu Nobile DOCTOR haberis:
Jure Coronatum Te ASCIA bina facit.

CURRUS

Avitæ & eruditæ Gloriæ, TRIUMPHALIS.

PRæcella Honorum intendere fastigia,
Quid aliud?

quàm arduam per præceps vadentem iter insequi gloriam.

Iuvant hic quandoq; volubiles Fortunæ rotæ;
sed securiùs, virtutis & meriti, falcatos per obstantia immittere Currus.

Ad Culmen gloriæ immortalis & Sapientiæ Coronas,

animorum provehi triumpho,

cuius mentem laudanda incessit cupido,

arte Dædala, & artifice labore, Currum gloriæ triumphalem,

exasciare sibi condiscat.

*Nobiliores altiùs nitentium curæ, gloriosiores palmas merentur;
Fasces Honorum capeffere, idem, ac grandem laborum arcessere fascem.*

Alios licet aliquando Prænestinæ Dææ favores,

magnete quodam ad Honores provexerint;

sortem dubiam simul donârunt.

Emeritus industrio labore honos,

Currus gloria triumphalis meritò censetur,

ad tholum omnis usq; præstantiæ provehens:

& si confuso casu, illi atteri veniat;

immortalis sed meriti fama perennis erit.

Elaboratæ mentis studium & entheus vigor,

gloriosiùs ad Sapientiæ clivum provehitur,

Cui fors nascendi melior obtigit,

& nascenti gratiùs arrisit Apollo,

palmares in gloria victorias, & ornamenta triumphalia consignando.

Licet si nobiles quandoq; Cunabulorum prætere facies,

cerussam virtutis in imaginibus mentiri,

Cerisq; nobilioribus altam caliginem velare,

degeneres multorum animi à laude Priorum,

foedis ad Posteris exemplis sanxere,

semper tamen profuit ex Illustrissimis nasci;
tantò gloriosius,

si generoso ardori faustum literarum sidus affulsit.

*In pleno sapientiae meridie, sincerum sine nube gloriae serenum,
laudis omnis summitas & aliorum decorum apsis,
generosis quidem obvenit mentibus;
sed non sine fabro labore cuditur.*

Stemma hoc immortalis gloriae,

omnium quidem scientiarum nativum,
jure tamen meliore Sorori Tonantis Iustitiae deberi,
justus rerum arbiter, Orbis, judicat.

Divis haec fata Genitoribus,

aequa suspendens omnia lance,
rerum omnium, & totius Orbis anima, custosq; fidelissima colitur,
Vtili praefert honestum,
per obstantes irarum cateruas, sua explicat arma.

*Publica merces, in Doctore iudicium:
non ferri potestas & armorum insolentia,
nomen Iustitiae confundis.*

**Asciatae Virtutis Nomen, Cursus immortalis gloriae,
Astrae victoria & triumphus.**

Haec Divum Proles, si terras relinquat,
confuso res ordine verti necessum.

Blanda vultum gravitas,

& mite supercilium frontem serenam Diva Themidos insidet.
Dominam omnium idcirco virtutum Orbis adorat:

dominio illius justius & felicius nihil,
quae in omnem possessionem Iure utroq; non gladio inducitur;
aureo legum per populum in vecta curru,
sublimium colla, potenti virtute calcatur,
dum injustum omne & iniurijs potens, culpat.

Haec te Diva Potens placido respexit lumine;
quia

dignum aureo Tripode pectus Tuum cultissimum,
suis perennibus Laureis, Caput Sapientissimum inspexit,

Per-

Perillustris & Reverendissime Domine,
D. THEOCLES GOSŁAWSKI,
Ecclesiarum, Cathedralis Kijoviensis, CANONICE,
Parochialis, Gałuszoviensis CVRATE,
non Splendore tantum Natalium,

etiam præcellis dotibus,
magnifico virtutis & Sapientiæ paratu,
summa quævis Honorum fastigia promerite !

Tibi prospero Numine Superum
& Genus altum, & summum rerum iudicium datum,
quo decrevisti.

nasci vulgarem sortem, institui, vitam alteram esse.

Nobiliore animo non in sola origine præclara,
laudem esse debere, ne pereat in illo gentis, honos
serio bonarum Artium cultu: rigido virtutis magisterio,
decus perenne, & contra fortuita præsidium firmum petendum.

Verum quidem est,

*quod bene natas animas, Magni Sanguinis generosus ardor trahit,
ad quævis præclara facinora,*

*sed doctrina dirigit, virtus promouet,
ingeniosus honorum artifex, labor exercet, gloria coronat.*

Tu generosæ magnanimitatis adjumento felix,
primæ rudimenta juventæ, ne otijs falleres, aut dissolveres,
innatâ virtute cavisti:

palmarem virtutis & Sapientiæ viam,
laudatis passibus ire instituens,
masculo pectore & animo infracto, ardua quæq; vincens,
spes & expectata Parentum solatia, in tuto posuisti:

Velis tandem majoribus,
per arduum scientiarum iter contendens,
profunda Sacræ Theologiæ dogmata,
perplexos Iurisprudentiæ nodos,
gloriosius resolvens,

Victor lafone felicior,
pro aureo vellere, viva juris oracula ex aureo Tripode promens,

coronari in Divæ Themidos Sacrario meruisti,
Longè illustrior hoc Coronamento,
bene & feliciter,
inscende Currum Avitæ & eruditæ gloriæ Triumphalem!
Non levis fortunæ ludibrio obnoxium,
quia Pallade Magistra elaboratum.

Novo isti Splendori Gloriæ Tuæ,
lucem & gaudia festa affundunt,
vivi in te expressa Imaginibus,
Clarissima ANTENATORVM TVORVM Decora,
Qui hoc gloriæ Curru Triumphali provehi videntur.
Hos, exasciatæ Virtutis Nomina, meritorum vel Numina loquar.
Terfissimæ Gratia mentis,
incomparabili virtute Heros,

Illustris & Magnificus Dominus,
D. CHRISTOPHORVS GOSŁAWSKI,
Tibi hodie plausum addit:

Qui utrâq; Cæsar, non degener Patriæ virtutis,
Polonæ Germen Reipublicæ, Filium,
Illustrem & Generosum Dominum,
D. STANISLAVM GOSŁAWSKI,
Virtutis suæ Heredem reliquit.

Hic par Atlanti, Generosus Alcides,
inter ardua belli negotia & periculorum procellas,
infractus quibulq; bonis ausibus Agamemnon,
in AVO TVO,

Illustri & Magnifico Domino,
D. ANDREA GOSŁAWSKI,
Asciatus Heros,

KVCZKOVIANÆ Nobilibus Inclytæ Titulis Familiæ,
pulchro Connubij fædere innexus,
Illustrium virtutum munimenta suarum, & meritorum decora,
fastis perennibus consignavit.

Tam præfulgentis Currûs Triumphalis gloriæ Majestas & Splendor,
si in tot Luminaribus toti præradiet Orbi;
vel in Principe Sole Gratiarum,

Cel-

Celsissimo, Illustrissimo & Reverendissimo Domino,
D. IOANNE de MALACHOWICE
MALACHOWSKI,

Episcopo Cracoviensi, Duce Severiæ,
Tui Honoris merdies accenditur;
cū ex Eiusdem Optimi Principis PATRVO Nobilissimo,
proximo vitæ Consortis Sanguine,
Principalem Gratiam,
in Celsissimo IOANNIS Nomine promereris.

Tandem,

in Illustri & Magnifico Domino,

D. IOANNE GOSŁAWSKI,

Dulcissimo Parente Tuo,
à Matre Gratiofissima,

MORSZTINIA aureâ Phœbe,

dextro Sidere prodiens FILIUS,

Avitorum Splendorum Dignissimus Heres datus es.

His ita proventus splendentibus Sole Natalum & felicitatum Quadrigis,
in pleno virtutum & Vtriusq; Iuris Doctoratus Honore Clarissimo, meridiatis.

Huc lætos plausus & festa hilaria cogunt,
cognati in Te sanguinis & affectus.

Illustria NOMINA,

JASTKOWSCIORUM, ZAREMBARUM, VIEYSCIORUM,

Novôq; Honoris Tui Auspiciô triumphant.

*Non licet cuiquam tristem fingere vultum,
cū publicus Honos gaudia persolvere iubet.*

In plenilunio votorum affundente lucem,

Nobilissimâ GOLUCHOWSCIANA Cynthiâ

TECZYNSCIORUM, OSSOLINSCIORUM, TARŁONUM,

Illustrissimæ ASCIÆ,

Magistræ virtutis, & Maximorum Artifices Honorum,

hunc Tibi immortalis gloriæ Currum,

cognatô Artificiô condiderunt.

Illustrissimæ IORDANORUM Tubæ,

GOSŁAWSCIANÆ Famæ vocales plausus edunt.

Niveis argenteus alis,

Illustrium DANINORUM Cygnus,

dulces triumpho Honoriq; Tuo voces modulatur.

Illustrissimorum RADZIWILLORVM,

PRINCEPS AQVILA,

Super Triumphalem Tuæ gloriæ Currum,
pennas Gratiarum, expandit magnanima;
vt toti visendus Orbi, DOCTOR Iudex,
regio & generoso spiritu, vitæ Soles longissimus viuas.

Germana Divæ Astræ Soror,

Sacra Theologia,

Gemmeam Tuo Honori Coronam addit.

in Magno Sacræ Theologiæ Doctore,
D. ADAMO GOSŁAWSKI,

scriptis illustribus Clarissimo Theophrasto;

*Qui, omnem profectò censum gloria vicit,
perennes Fastos meritorum non vincet.*

Tam Magnificò immortalium pretiò meritorum æstimatus,
ex Delphici Tripodis oraculo,

Doctor Aureus coronaris.

Novo huic Tuo Honori gratulabunda applaudit,

Cathedralis Kijoviensis Ecclesia,

Suumq; CANONICVM, Canonem virtutum veneratur.

Agè verò

Parochialis Gatussoviensis Ecclesia,

Te Pastorem suum & Benefactorem justò æstimans,

novo huius Doctoratûs Tui Coronamento gestit:

cuius decorem adeò Pastor piissimus dilexisti;

vt opimam Tuæ fortunæ sortem,

in splendidos illius apparatus, ornamenta, & ædificia expendas.

Alti tandem ego Cultor silentij,

Virtutum meritorumq; Tuorum insufficiens laudator,

Harpocrati breuem immolo periodum.

Inter publica pro Te certantium gratantiumq; vota,

Triumphalis gloriæ Tuæ Currûs spectator,

officiolæ gratulationis & venerationis argumentum,

breui pœmate prosequor.

Augu-

A *V*gusta Magni portio Sanguinis,
 Novo beatus nunc Themidos Sacra
 Honore, dignus Doctor omni
 Auspicio, meritò triumphas.
 Præcelsa virtus promeruit Tua
 Iustos honores, & Sapientia
 Gradus, coronas Laurearum,
 Per titulos celebrando Nomen.
 Cunis eburnus nobilioribus
 Datus, iuventa tempus amabile
 Labore, moribus, serenans,
 Pulchra Tua monimenta laudis,
 Felix dedisti; moxq; per ardua
 Scientiarum victor, ab omnibus
 Iam nunc celebraris Camænis,
 DOCTOR ovans, meliore plausu.
 Novâ renidens Pallas adorea
 Gestit triumphans, & roseis Tuum
 Currum Triumphalem Coronis,
 Concelebrare jubet Pœtas
 GOSŁAWSCIORM Nominis Inclyti
 Vivit perennes gloria maxima
 Fastos, Corymbis quam Sacrata
 Ecce Themis veneratur in Te.
 Bellona Natos Sanguine Martio
 Ostentat ardens, Herculeis pares
 GOSŁAWSCIOS Heroas usq;
 Magnificis operum Triumphis.
 Victoriarum fertilis Hac Domus,
 Semper peramplis aucta Decoribus
 Perennat, & felix laborum
 Per merita en recipit Coronas.
 Altas Curules premia Mascule,
 Virtutis auget Fama Domus Tue
 Illustris OKSZARVM, proinde
 Secula Vivat io beata.

*Applaudit Orbis jam Sapia
Tuo Triumpho, Phæbus & aureus,
Accendit en diem serenum:*

Militat omnis honos labori.

KIIOVIENSIS Te Cathedra decus
Exornat, olim spondet honoribus

Dignum Tiaratis, Senatui

Afferuit meritò Togato.

GALVSZIENSIS Tu decus aureum

Perennè vivas plausibus omnium,

Ecclesia, pro Te laborant

Vota piùm geminata Calis.

Canorus ergo nunc Helicon Tuo

Reddens Honori premia, concinit,

Vivas ut Almus DOCTOR, orant,

Latitia obsequiò Camene.

Ætate vincas Nestora gemmea

Fortuna plenos & Tibi congerat

Benigna DOCTORI favores

In roseam cumulando Vittam.

Conscende tandem Victor eburneum

Currum Triumphi! Gloria Te vehat!

Gradus ad excelsos Honorum,

Per Lechicum Latiumq; Cælum.



SUB FELICISSIMIS AUSPICIIS,

Magnifici, Perillustri, & Reverendissimi Domini,

**D. M. SEBASTIANI
PISKORSKI,**

**I. V. Doctoris & Professoris, Ecclesiarum, Cathedralis Cracoviensis
& Vielunensis CANONICI, SS. OO. ARCHIDIACONI,**

Scholarum Novoduorfcianarum PROVVISORIS,

Studij Almaz Vniuersitatis Cracoviensis, PROCANCELLARI,

GENERALIS ac VIGILANTISSIMI


RECTORIS.

P. XIX. 38.

nsis

II,

38.



sidr0012850

Biblioteka Jagiellońska

